

## Namještaj najskuplji, a najmanje se izvozi

12/01/2009 23:08 by BanjaLukauSrcu

Bosna i Hercegovina gubi velike prihode jer ne izvozi dovoljno proizvoda od.....

Bosna i Hercegovina gubi velike prihode jer ne izvozi dovoljno proizvoda od drveta poput namještaja, a dio građevine koja se izvozi ide preko posrednika koji zarađuju preprodajući bh. građevinu, umjesto da zarada ide BiH. Ovo tvrdi Alim Alimanović, sekretar za šumarstvo i drvnu industriju Privredne komore FBiH. "Mi ne koristimo luke na Jadranu da bismo izvezili u Kinu i umjesto nas to rade Austrijanci. Naravno, Austrijancima nije teško koristiti luku Kopar i na našim proizvodima zarađivati prodajući ih Kinezima", kaže ona. Prema njenim podacima, BiH je na izvozu namještaja 2007. godine zaradila oko 345 miliona KM. Prema posljednjim dostupnim podacima Spoljnotrgovinske komore BiH (STK) BiH je 2007. godine izvezla pola miliona tona sirovog drveta (ogrevno drvo u oblicama, cjepanice, grane, snopovi i iverje), dok je u istom razdoblju uvezla oko 40.000 tona istog drveta. Prosječna cijena izvezenog drveta je 0,10 KM po kilogramu, dok je ista klasa uvezenog drveta plaćena oko 0,19 KM po kilogramu. Po cijeni od 0,47 KM/kg izvezeno je više od 650.000 tona drveta obrađenog po dužini debljine veće od šest milimetara, a uvezeno je oko 20.000 tona po cijeni od 0,65 KM/kg. Kada se to sabere, vidi se da je BiH izvezla više od milion tona sirovog drveta. Uvezeno je oko 2,5 hiljada tona željeznih pragova, koji su plaćeni po cijeni od 0,64 KM po kilogramu, a izvezeno je 1,9 hiljada tona željeznih pragova i to po cijeni od 0,37 KM po kilogramu, odnosno dvostruko manje. I Lazo Anin, sekretar Udruženja šumara i prerade drveta RS, kaže da RS i BiH izvoze više sirovog i poluobrađenog drveta, za koje se dobija niska cijena, dok se nedovoljno izvozi namještaj, čija je vrijednost više od dvostruko veća. Alim Alimanovićeva navodi da je cilj i Federacije i RS uveštati udio koji čini namještaj u ukupnoj proizvodnji, jer se za namještaj i dijelove namještaja postiže mnogo bolja cijena. "U prvih osam mjeseci 2008. godine u Federaciji bilježimo rast izvoza namještaja od skoro 30 odsto i rezane građevine za 26 odsto, a slično je i u RS, što svakako treba pozdraviti", kaže ona. Prema podacima STK BiH, u 2007. godini je izvezeno oko 230.000 tona drvenih dijelova namještaja, dok je uvezeno oko 70.000 tona. Primjera radi, drveni dijelovi za stolice uvezeni su po prosječnoj cijeni od 7,3 KM/kg, dok je ista kategorija (9402) izvođena za 5,1 KM/kg.

Autor: Dejan Ajinović

Izvor vijesti: Nezavisne